



CONCELLO DE OURENSE
SECRETARIA XERAL DO PLENO

**RESUMO DOS ACORDOS DO PLENO EXTRAORDINARIO DO CONCELLO DO
DÍA 14 DE SETEMBRO DO ANO 2021**

**1. Modificación puntual do PXOU de 1986. Cambio de uso da parcela sita en
carretera de Vigo, 1B (referencia catastral 2497004NG9826S0001DK), antigamente
destinada a estación de autobuses de Ourense**

SECRETARIO: De conformidade co informe xurídico do Servizo de Planeamento e Xestión Urbanística, con data do 8 de agosto de 2021, e a proposta que contén da Concellería de Urbanismo, con data do 12 de agosto de 2021, a Comisión de Pleno, por seis votos a favor do Grupo Municipal do Partido Popular, do Grupo Municipal de Democracia Ourenzana, do Grupo Municipal de Ciudadanos e de dona María Teresa Rodríguez Garrido, concelleira non adscrita; e catro abstencións do Grupo Municipal Socialista e do Grupo Municipal do BNG, adopta o seguinte **ACORDO**:

Ditaminar favorablemente e elevar ao Pleno a seguinte proposta:

1º) Aprobar, a pedimento da Xunta de Galicia – Consellería de Política Social – Secretaría XeralTécnica, a Modificación Puntual do Plan Xeral de Ordenación Urbana de 1986 para o cambio de uso parcial da parcela sita na Estrada de Vigo, 1B (referencia catastral 2497004NG9826S0001DK) antigamente destinada de xeito parcial a Estación de Autobuses de Ourense, e da súa contorna pasando as partes da mesma e da contorna cualificadas co uso de sistema xeral de transportes e comunicacións ós usos de sistema xeral de equipamento asistencial, sistema local de equipamento deportivo e sistema local de zonas de esparcemento e parques, segundo a documentación técnica obrante no expediente de data 12 de xullo de 2021 e co CSV FG607QL6A3T791K7.

2º) Ordear a publicación de dita documentación técnica no Diario Oficial de Galicia, ó abeiro do disposto nos arts. 82.2 da Lei de Galicia 2/2016 e 199.2 do seu Regulamento.

3º) Remitir a presente modificación puntual ó Rexistro de Planeamento Urbanístico de Galicia, o abeiro dos arts. 88 da Lei de Galicia 2/2016 e 209 do seu Regulamento

Todo elo en base ós informes emitidos polo Servizo de Planeamento e Xestión Urbanística (técnicos de datas 9 de xuño de 2021 e 12 de xullo de 2021 e xurídicos de datas 10 de xuño de 2021 e 11 de agosto de 2021), que se integran no presente acordo coma motivación do mesmo e dos que se dará traslado á administración autonómica promotora mediante copia simple dos mesmos que serán achegados xunto coa notificación que diste acordo sexa practicada.

RÉXIME DE RECURSOS

Contra este acordo, que pon fin á vía administrativa, non pode interpoñerse recurso de reposición potestativo ante o órgano que o ditou o abeiro do disposto nos arts. 84.1 da Lei de Galicia 2/2016 e 201.1 do seu Regulamento, por tratarse dunha disposición de carácter xeral.

Cabe interpoñer directamente recurso contencioso-administrativo, ante o Tribunal Superior de Xustiza de Galicia, no prazo de dous meses, a contar desde o día seguinte ao da recepción da notificación do mesmo ou da súa publicación, de conformidade cos artigos 8.1; 10. 1. a) e 46 da Lei 29/1998, de 13 de xullo, da Xurisdición Contencioso-Administrativa.

Todo iso sen prexuízo de que poida interpoñerse calquera outro recurso ou acción que estime procedente.

O Pleno do Concello, por trece votos a favor, do Grupo Municipal de Democracia Ourensana, do Grupo Municipal do Partido Popular, do Grupo Municipal de Ciudadanos e de don José Miguel Caride Domínguez e don Laureano Bermejo Ansia, concelleiros non adscritos; e oito abstencións do Grupo Municipal do PSdeG-PSOE e do Grupo Municipal do BNG, adoptou o seguinte ACORDO: Aprobar a proposta, sen acadar a maioría necesaria para a súa execución.

2.-Renuncia ao cargo de concelleiro de don Jesús Vázquez Abad

SECRETARIO: Dáse conta á corporación do escrito presentado no Rexistro do concello o 3 de setembro do 2021 polo concelleiro Jesús Vázquez Abad no que formula a súa renuncia ao cargo de concelleiro.

O artigo 9.4 do Regulamento de Organización e Funcionamento e Réxime xurídico das Entidades Locais dispón que o concelleiro perderá a súa condición pola renuncia, que se deberá facer efectiva por escrito ante o pleno da corporación, por todo o exposto procede que o concello Pleno adopte, se así o consideran, por asentimento o seguinte **ACORDO**:

Primeiro. Tomar coñecemento da renuncia da súa condición de concelleiro que fai Jesús Vázquez Abad, declarala vacante e remitir certificado á Xunta Electoral Central para os efectos de proceder á súa substitución conforme ao disposto na Lei Orgánica do Réxime Electoral Xeral.

Segundo. Para os efectos do que dispón na instrución de 10 de xullo de 2003 da Xunta Electoral Central, a xuízo da corporación, o nome da persoa a quen lle corresponde cubrir a vacante por ser o seguinte na lista de candidatos nas eleccións locais de 2019 presentados polo Partido Popular e publicado no boletín oficial da provincia de Ourense é José Jesús Cudeiro Mazaira.